

نور

نور

عبدالمجید چٹھہ

اس کتاب کا کوئی بھی حصہ بیکن بکس/مصنف سے باقاعدہ تحریری اجازت
لیے بغیر کہیں بھی شائع نہ کیا جائے۔ اگر اس قسم کی کوئی بھی صورت حال پیدا
ہوتی ہے تو پبلشر/مصنف کو قانونی کارروائی کا حق حاصل ہوگا۔

اشاعت 2017

عبدالجبار نے

حاجی حنیف اینڈ سنز پرنٹنگ پریس لاہور

سے چھپوا کر بیکن بکس ملتان، لاہور

سے شائع کی۔

ہدیہ -/400 روپے

انتساب

حسن مجید چٹھہ، حسین مجید چٹھہ

افنان مجید چٹھہ، ممتاز مجید چٹھہ

کے نام

فہرست

۱۰	✦ پیش لفظ
۱۳	✦ حمد باری تعالیٰ
۱۵	✦ نعت رسول امین صلی اللہ علیہ وسلم
۱۷	✦ حلیہ مقدسہ
۲۱	✦ سرمبارک
۲۳	✦ سایہ وی نہیں سی سوئے دا
۲۵	✦ پیکر مقدس دی رنگت
۲۸	✦ موعے مبارک
۳۱	✦ جبین پر نور
۳۳	✦ ریش مبارک
۳۶	✦ ابرو مبارک
۳۸	✦ چشمان مقدس
۴۱	✦ ناک مبارک
۴۳	✦ گوش مبارک
۴۵	✦ رُخسار روشن

۴۷	✦ لب اقدس (ہونٹ)
۴۹	✦ منکھڑا (دہن) مبارک
۵۱	✦ دندان مبارک
۵۳	✦ زبان مبارک
۵۵	✦ آواز مبارک
۵۷	✦ گردن اقدس
۶۰	✦ حضور دے پیارے مونڈھے
۶۲	✦ بازوئے مقدس
۶۴	✦ دست اقدس
۶۷	✦ انگشتان مبارک
۶۹	✦ ہتھیلیاں مبارک
۷۱	✦ بغل مبارک
۷۳	✦ سینہ اقدس
۷۵	✦ قلب اطہر
۷۸	✦ مبارک پیٹ
۸۱	✦ ناف مبارک
۸۳	✦ پشت اقدس
۸۵	✦ مبارک رانیں
۸۷	✦ زانوئے مبارک
۸۹	✦ مبارک پنڈلیاں

✦	قدین شریفین	۹۱
✦	پیراں دیاں انگلیاں	۹۳
✦	مبارک تلوے	۹۵
✦	مبارک اڈیاں	۹۷
✦	نعلین مبارک	۹۹
✦	دستار مبارک	۱۰۲
✦	لباس مبارک	۱۰۴
✦	انگوٹھی	۱۰۶
✦	مہرِ نبوت	۱۰۹
✦	م آخذ	۱۱۲

پیش لفظ

حدیثاں تے رویتاں پڑھ کے انج لگدا اے کہ
 ”حضور ﷺ دے دل نوں لُہان والے حُسن نوں اللہ رب العزت نے چاندی
 چ ٹاہل کے بنایا اے۔“ اللہ تعالیٰ نے اوہناں دے سارے نور تے حُسن و خوبصورتی
 نوں چھپا کے رکھیا کیونکہ او جاندا سی کہ کسے انسان دی اکھ چ اپنی سکت نہیں کہ او آپ
 دے حُسن دی تاب لیا سکے۔ او ای تے ساری مخلوق نوں بنان والا اے۔ او ہدے کولوں
 کہڑی چیز دالکا اے۔

خود صحابہ کرامؓ نے وی اپنی ایس مجبوری نوں منہیا اے کہ حضور دے حُسن جہاں
 آراء دی چمک دمک دی وجہ نال اوہناں نوں اکھ بھر کے ویکھنا اساڈے لئی ممکن نہیں
 سی۔

حضرت حسان بن ثابتؓ ہوراں نیں اپنے نعتیہ شعراں دے ذریعے بڑی ای
 سوہنی گل کہتی اے۔ ”تہاڈے نالوں بہوتا سوہنا میری اکھ نے کدی ویکھیا ای نہیں تے
 ناں ای کسے ماں نے تہاڈے توں سوہنے بچے نوں جنم دتا اے۔ تہاڈی تخلیق بے عیب
 تے ہر نقص توں پاک اے۔ انج لگدا اے کہ اللہ نے تہاڈی مرضی دے مطابق تہاڈی

صورت بنائی اے۔

حضرت اولیس قرنیؑ نے وی حضرت علیؑ تے حضرت عمرؓ نوں جدوں او حضور دے حکم نال او ہناں کول گئے سن تے کہہ دتاسی ”تساں حضور دے حسن و جمال دی صرف اک جھلک دیکھی اے۔“

حضور نبی کریم ﷺ دے پیارے صحابہؓ جھڑے دن رات ہر جگہ سفر ہووے یا کسے جگہ آقاؐ کے ہندے او نال ہندے سی تے آپؐ دے نورانی تے برکتاں والے چہرے نوں ویکھدے رہندے سن او ہناں صحابہؓ نے آپؐ دے حُسن و جمال دی جہڑی مصوری کیتی اے او ہدی روشنی چ او ہدا ذکر کرن دی کئی جی کوشش کیتی اے۔ آپؐ دے حُسن نوں تحریر چ لیا نا کسے وی بشر لی ممکن نہیں۔

حضرت انسؓ فرماندے نے حضورؐ دا پیارا چہرہ قرآن مجید دے ورق دی طراں صاف سی۔ اساں کوئی وی منظر نہیں دیکھیا جہڑا حضورؐ دے چہرے مکھڑے تے جسم نالوں زیادہ چنگا لگیا ہوئے۔

کئی صحابہؓ نوں اپنیاں اکھیاں صرف ایس لئی پیا ریاں لگدیاں سن کہ او او ہناں دے نال حضور نبی کریم ﷺ نوں ویکھ لیندے سن۔

اک صحابیؓ دیاں اکھیاں جاندیاں رہیاں دوسرے صحابہؓ نوں جدوں پتہ چلیا تے او او ہناں نوں ملن گئے تے او ہناں نال افسوس کیتا۔ جدے تے او بولے کہ ”میریاں ایناں اکھاں دا مقصد صرف ایہہ سی کہ میں ایناں دے نال رسول اللہ نوں ویکھ لینا ساں لیکن جدوں آپؐ دا وصال ہو گیا تے جے ایناں دے بدلے تبالہ دی

ہرنیاں انھیاں ہو جان تے میری اکھیاں دی روشنی واپس آ جائے فیرو میمنوں ایہہ پسند نہیں۔

میں ایہہ سمجھناں کسے وی مسلمان دا ایمان او دوں تک مکمل نہیں ہند جدوں تک او ایہہ یقین نہ کر لے کہ پیدا کرن والے نے حضورؐ توں پہلے تے حضورؐ دے بعد کسے نوں وی او ہناں ورگا حسین و جمیل نہیں بنایا۔ ایہہ عقیدہ رکھنا ضروری اے کہ سیدہ حضرت آمنہؓ دے لال چ پائی جان والیاں بہترین خوبیاں، بھلائیاں، عادتیاں، نیکیاں دا کسے دوسرے شخص چ موجود ہونا ممکن ای نہیں۔ آقاؐ دے حُسن و جمال نوں کائنات دی کسے مخلوق نال تشبیہ نہیں دتی جاسکدی۔

ایس کتاب ”نور“ چ حضورؐ دے حلیہ مبارک دے متعلق احادیث مبارکہ نوں اکٹھا کر کے او ہناں دا ترجمہ پنجابی زبان چ کیتا گیا اے تے فیرو ہدے مفہوم نوں سامنے رکھ کے منظوم کیتا گیا اے۔

کرے جو پیار رب سوہنے نوں چت لیندا زمانے نوں
 سہارے جو چلے رب دے او بندہ ہر نہیں سکدا
 مجید آل محمد ﷺ دے تینوں صدقے خدا دیوے
 کدے غیراں توں منگنے دی تُوں ہمت کرنیں سکدا

حمد باری تعالیٰ

خدا دی مرضی دے باہجوں میں ساہ تے بھر نہیں سکدا
 ایہہ آوے بھانویں نہ آوے گلہ تے کرنیں سکدا
 الہی واسطے جو جان دی قربانی دیندا اے
 سدا ای زندہ رہندا اے جہاں تے مرنیں سکدا
 نگاہواں نال ہتھاں تے زبانی منگ رب کولوں
 سوا اُس دے تری جھولی تے کوئی بھر نہیں سکدا
 سمندر زندگانی دا رہوے طغیانیاں اندر
 نہ ہووے جے کرم رب دا کوئی وی تر نہیں سکدا

نعت رسول امینؐ

چن نالوں سوہنا سوہنا چہرہ اے حضورؐ دا

ربؐ دا سراج سوہنا بنیا اے نورؐ دا

زُلفاں حضورؐ دیاں مینوں اینج لگیاں

باغاں وچ پھلاں دیاں ڈالیاں نیں سجیاں

کنڈلاں توں تھلے تھلے روپ کوہِ طورؐ دا

چن نالوں سوہنا سوہنا چہرہ اے حضورؐ دا

کٹاں دیاں لوواں یا تے موہڈیاں تے آندے سن

وال تے حضورؐ دا ای مکھڑا سجانڈے سن

ایہو جیہا مکھڑا نئیں ہونا کسے حورؐ دا

چن نالوں سوہنا سوہنا چہرہ اے حضورؐ دا

بڑے ای نصیباں والے آپؐ دے غلام سی

چہرے اُتے نظراں اوہ رکھدے مدام سی

بنیا ٹھکانا جہڑا دل دے سُرورؐ دا

چن نالوں سوہنا سوہنا چہرہ اے حضورؐ دا

رتجھاں نال ربؐ نے تے سوہنے نوں بنایا اے

سوہنیاں اداواں نال سوہنے نوں بُلایا اے

ہویا اے دیوانہ سارا جگ ایس نورؐ دا

چن نالوں سوہنا سوہنا چہرہ اے حضورؐ دا

خامیاں دے نال میرا بھریا وجود اے

پڑھدا ایہہ لگ لگ فیر وی درود اے

ٹٹیا مجیدؐ لک، جہل تے غرورؐ دا

چن نالوں سوہنا سوہنا چہرہ اے حضورؐ دا

حلیہ مقدسہ

۱- حضرت انس بن مالکؓ فرماندے ہیں:

كَانَ رَسُولُ اللَّهِ ﷺ لَيْسَ بِالطَّوِيلِ الْبَائِنِ وَلَا
بِالْقَصِيرِ وَلَا بِالْأَبْيَضِ الْأَمْهَقِ وَلَا بِالْأَدَمِ وَلَا
بِالْجَعْدِ الْقَطَطِ وَلَا بِالْسَبْطِ

حضرت انس بن مالکؓ فرماندے ہیں اللہ دے رسولؐ دا قد نہ
تے زیادہ اُچاسی تے نہ ای آپؐ چھوٹے قد دے سن بلکہ درمیانہ
قد (مبائی دی طرف مائل سی) آپؐ دارنگ نہ تے زیادہ چٹاسی
تے نہ ای زیادہ گندمی سی۔ آپؐ دے مبارک بال نہ بہوتے
کنڈلاں والے سن تے نہ بالکل ای سدھے۔

۲- حضرت ابواسحاق رحمۃ اللہ کھندے ہیں کہ:

عَنْ أَبِي اسْحَقَ قَالَ: سَمِعْتُ الْبَرَاءَ بْنَ عَازِبٍ يَقُولُ
كَانَ رَسُولُ اللَّهِ ﷺ رَجُلًا مَرْبُوعًا بَعِيدَ مَا بَيْنَ
الْمَنْكَبَيْنِ عَظِيمَ الْجُمَّةِ إِلَى شَحْمَةِ أُذُنَيْهِ يَسْرَى،

عليه حُلَّةٌ حَمْرَاءُ مَا رَأَيْتُ شَيْئًا قَطُّ أَحْسَنَ مِنْهُ
حضرت ابواسحاق رحمۃ اللہ کھندے ہیں کہ حضرت براء بن
عازبؓ نوں میں ایہہ فرماندیاں سُنیا کہ حضورؐ درمیانے قد دے
سن اور آپؐ دے دوواں مونڈھیاں دے درمیان فاصلہ سی
(آپؐ داسینہ مبارک کشادہ سی) آپؐ دے وال مبارک گھنے
تے آپؐ دے مبارک کٹاں دی لوتک پہنچے ہوئے سن۔ اوہناں
دے اُتے سرخ دھاری دار چادر سی اوہناں توں ودھ سوہنا میں
کسے نوں وی نہیں دیکھیا۔

۳- حضرت علی بن ابی طالبؓ فرماندے ہیں:

عَنْ عَلِيِّ بْنِ أَبِي طَالِبٍ قَالَ: لَمْ يَكُنِ النَّبِيُّ ﷺ
بِالطَّوِيلِ وَلَا بِالْقَصِيرِ شَيْءُ الْكَفَّينِ وَالْقَدَمَيْنِ
ضَخْمُ الرَّأْسِ ضَخْمُ الْكَرَادِيْسِ طَوِيلُ الْمَسْرُوبَةِ إِذَا
مَشَى تَكْفَأُ تَكْفُؤًا كَأَمَّا يَنْحَطُّ مِنْ صَبَبٍ لَمْ
أَرَقْبَلُهُ وَلَا بَعْدَ مِثْلِهِ ﷺ

حضرت علیؓ بن ابی طالبؓ فرماندے ہیں کہ حضور اکرمؐ نہ تے
بہوتے اُچے لمبے قد والے سن تے نہ ای چھوٹے قد والے۔
آپؐ دیاں ہتھیلیاں تے پیر گوشت نال بھرے ہوئے سن۔ سر

مبارک تے مونڈھیاں دے جوڑ بھاری تے مضبوط سن۔ سینہ
مبارک توں لے کے ناف تک والاں دی اک باریک تے لمبی
لکیری۔ جدوں آپ چل دے تے اگے نوں جھکے ہوندے لگدا
سی کہ بلندی توں نیویں جگہ اتر رہے نیں۔ نہ تے اوہناں توں پہلے
میں کوئی اوہناں ورگا دیکھیا تے نہ ای بعد چ۔
۴۔ حضرت سماک بن حرب روایت کردے نیں:

عَنْ سَمَاقِ بْنِ حَرْبٍ قَالَ: سَمِعْتُ جَابِرَ بْنَ سَمُرَةَ
يَقُولُ: كَانَ رَسُولُ اللَّهِ ﷺ ضَلِيعَ الْفَمِّ، أَشْكَلَ
الْعَيْنِ مِنْهُوسِ الْعَقَبِ

سماک بن حرب فرماتے نیں کہ میں حضرت جابر بن سمرہ
نوں ایہہ کہندیاں سنیا کہ رسول اللہ ﷺ دا مکھڑا مبارک
کشادہ (وسیع) اکھیاں فراخ (بڑی) سرخی مائل سن تے آپ
دیاں اڈیاں مبارک دُبلیاں پتلیاں سن۔



حضرت انسؓ صحابی سانہوں ایہو حلیہ دسیا
قد حضور نبیؐ دا سوہنا نہ گھٹیا نہ ودھیا

گندم دے رنگ ورگا نہ سی نہ اوہ حد دا چٹا
اکھیاں نوں سی چنگا لگدا سوہنا چہرہ مٹھا
حُسن سراپا سردی سارا نال یقین دے سوہنا
مکھڑا پاک نبیؐ دے ورگا دوجا ہور نہ ہونا
چہرہ دیکھ کے دل پرچاندے پاک صحابیؓ سارے
سوہنے جگ دے نالوں دسدے پاک صحابیؓ سارے

جے کر سارا حُسن نبیؐ دا رب سانہوں دکھلاند
ایہہ وی ممکن ہو نہ سکدا کوئی وی جھاتی پاند

سر مبارک

۱- حضرت سیدنا علیؑ فرماندے ہیں:

کان رسول اللہ ﷺ ضخم الرأس

رسول اللہ صلی اللہ علیہ وسلم دامبارک سر مناسب بڑا سی۔

۲- حضرت ہند بن ابی ہالہ روایت کر دے ہیں:

کان رسول اللہ ﷺ عظیم الهامة

رسول اللہ صلی اللہ علیہ وسلم دانورانی سراعتدال دے نال بڑا سی۔



سر سردارِ جہان دا اُچا حُسن وقار دکھاوے
عظمت ویکھن والے تائیں دل دے اندر آوے

بیٹھے ہندے جس مجلس وچ اُچے نظریں آؤندے
کول نبیؐ دے اُچے لے بھانویں بیٹھے ہندے

جے کراچیاں لمیاں دے نال آپ حضورؐ سی جاندے
ساریاں نالوں اُچے لگدے ایہہ اصحابؓ سناندے

سایہ وی نیئیں سی سوہنے دا

۱- قاضی عیاضؒ فرماندے نیں کہ آپؐ دا پاک جسم ایناں پاکیزہ سی کہ جسم مبارک دا سایہ نیئیں سی۔

كان لا ظل لشخصه في شمس ولا قمر لانه كان نورا
سورج تے چن دی روشنی چ آپؐ دے پاک جسم دا سایہ نیئیں سی
کیونکہ حضورؐ سرتوں لئے کے پیراں تک نور سن۔

۲- امام جلال الدین سیوطیؒ خصائص الکبریٰ چ روایت کردے نیں:
ان ظله كان لا يقع على الارض وانه كان نوراً فكان
إذا مشى في الشمس والقمر لا ينظر له ظل
رسول اللہ ﷺ دا سایہ زمین تے نیئیں سی پیندا۔ کیونکہ آپؐ سر
توں لے کے پیراں تک نورای نور سن۔ بس جدوں آپؐ سورج
یا چن دی روشنی چ چلدے تے اوہناں دا سایہ نظر نہ آندا۔
۳- امام زرقانی دسدے نیں:

لم يكن لها ظل في شمس ولا قمر
سورج تے چن دی روشنی چ آپؐ دا سایہ نیئیں سی ہندا۔



پاک صاف تے نرم ملیم نالے سی پاکیزہ
جسم جھڑے دا سایہ نہ سی اوسی جسم نبیؐ دا

چونکہ نورِ الہی نال جسم مبارک بنیا
چن سورج وی روشن ہندے سایہ نیئیں سی ہندا

روشن ہندے چن تے تارے سورج روشن رہندا
ایسے حال چ آقاؐ چلدے پر سایہ نہ ہندا

پیکر مقدّس دی رنگت

۱- سیدہ عائشہ صدیقہؓ بیان کر دیاں نہیں:

کان انور هم لونا

حضور صلی اللہ علیہ وسلم اپنے رنگ روپ دے لحاظ ولوں سارے لوکاں
نالوں زیادہ پُر نور سن۔

۲- حضرت انسؓ آپؐ دے پیارے جسم دے بارے چ دسدے
نیں کہ

کان رسول الله احسن الناس لونا

حضور رنگت دے اعتبار نال سارے لوکاں نالوں زیادہ سوہنے
سن۔

۳- حضرت علی مرتضیٰؓ فرماندے نہیں:

کان رسول الله ﷺ ابيض تعلوه حمرة

رسول اللہ صلی اللہ علیہ وسلم دارنگ سفیدی تے سرخی دا بڑا سوہنا کھسی۔

۴- حضرت ابو ہریرہؓ روایت کردے نہیں:

ابيض کاٹما صبيغ من فضة

آپؐ چٹے گورے جسم والے سن تے ایتھ لگداسی کہ آپؐ دا جسم
مبارک چاندی چ ڈھالیا گیا اے۔

۵- حضرت انسؓ بن مالک روایت کردے نہیں کہ اسیں وصال

دے دناں چ حضرت ابو بکر صدیقؓ دی امامت چ نماز پڑھ
رہے ساں۔ حضورؐ نے اپنے حجرے دا پردہ کھچیا تے۔ اساں
دیکھیاں

کان وجهه ورقة مصحف

جیویں حضورؐ دا چہرہ انور قرآن دا ورق سی۔



چہرہ پاک نبیؐ سوہنے دا لوکاں نالوں سوہنا
حضرت انسؓ مبارک دسیا ہوو نہ کس دا ہونا

رنگ نبیؐ دا ایڈھا سوہنا لال تے چٹا مل کے
حضرت علیؓ ایہہ فرماندے رنگ سی دوویں دسدے

جسم مبارک انج لگدا اسی چاندی ڈھلکاں مارے
وچ قرآن دے اللہ سوہنا وُحی فرمائے

چہرہ پاک نبیؐ دا لگیا ورق قرآن دا کھلیا
جُجرے پاک دا پردہ جس دم میرے آقا چکیا

صورت سیرت نورِ خدا دی مثل جہان نہ کوئی
کوئی ہستی اوہناں ورگی دنیا تے نہ ہوئی

مُوءے مبارک

۱- حضرت انسؓ روایت کردے نیں:

كان شعر النبي ﷺ رجلا لا جعد ولا سبط
رسول اللہ صلی اللہ علیہ وسلم دیاں زلفاں نہ تے بہوتے کنڈلاں والیاں
خمدار سن، تے نہ ای بالکل سدھیاں اکڑیاں ہو یاں سن۔

۲- حضرت براء بن عازبؓ فرماندے نے:

ما رأيت من ذي لبة أحسن في حلة حمراء من
رسول الله شعره يضرب منكبه
میں حضور صلی اللہ علیہ وسلم دے کٹاں دی لوتوں تھلے لکھدیاں زلفاں تے
سرخ جبہ پہنیا ہو یاں اوہناں توں ودھ کے کسے نوں سوہنا نیں
تکلیا۔

۳- حضرت ابو رمثہ تمیمیؓ روایت کردے نیں:

وله لبة بهما ردع من حناء
آپ صلی اللہ علیہ وسلم دیاں مبارک زلفاں آپؐ دیاں کٹاں دی لوتوں تھلے

سن جنہاں نوں مہندی نال رنگیا ہو یا سی۔

۴- حضرت عائشہ صدیقہ رضی اللہ تعالیٰ عنہا فرمادیاں نیں

وكان له شعر فوق الجمة ودون الوفرة

حضور صلی اللہ علیہ وسلم دیاں زلفاں کتاں تے مونڈھیاں دے درمیان

ہوندیاں سن۔

۵- سیدنا فاروق اعظمؓ فرمادے نیں:

كان نبي الله ﷺ ذو وفرة

حضور صلی اللہ علیہ وسلم لکھدیاں ہو یاں زلفاں والے سن۔

۶- حضرت علیؓ فرمادے نیں:

كان رسول الله ﷺ حسن الشعر

رسول اکرم صلی اللہ علیہ وسلم دے مونے مبارک بہت ہی زیادہ حسین تے

جمیل سن۔



وال مبارک نہ ٹھنکھرا لے نہ سی بالکل سدھے

چودہ^۴ وال سفید اوہناں چ لگدے چن دے ٹکڑے

کنھے وال لمبے آقا دے ملیاں چار رویتاں

کدی کدی مونڈھیاں تائیں کدی اُتے او کتاں

ربّ رحیم کریم دی مرضی نال ہمیشہ رهندے

ماسوا حج عمرے دے وال نئیں کٹواندے

حضرت عمرؓ نبیؐ سوہنے نوں ذو وفرة سی کہندے

جس دم وال نبیؐ سوہنے دے مونڈھیاں تائیں آوندے

مہندی دے نال رنگیاں ہو یاں کتاں کول او زلفاں

اوہناں سوہنیاں زلفاں دی تے کھاندا اے ربّ قسماں

جبین پُر نور

۱- حضرت ہند بن ابی ہالہؓ روایت کر دے نہیں:

کان رسول اللہ واسع الجبین

رسول اللہ صلی اللہ علیہ وسلم وسیع پیشانی والے سن۔

۲- حضرت سعید بن مسیبؓ فرماندے نہیں۔

کان مفاض الجبین

حضور دامتھا وسیع سی۔

۳- اللہ رب العزت نے سیدنا عیسیٰؑ نوں وحی دے ذریعے نبی اقدس دے

بارے دسیا۔

الصلت الجبین

(نبیؑ) کشادہ پیشانی والے ہوون گے۔



آقا دے آون توں پہلے دسیا حضرت عیسیٰؑ

اللہ عزت والے نے سی جو اوہناں نوں دسیا

او دسدے نہیں پاک نبیؑ دامتھا ہوسی چوڑا

ہند ابی ہالہؓ حضرت نے وچ حدیثاں دسیا

پھللاں ورگا ہر دم تازہ سوہنا ڈھلکاں مارے

آون والے ویکھ کے کہندے ایہو نبیؑ نے پیارے

ریش مبارک

۱- حضرت علیؓ سے مروی ہے:

كان رسول الله ﷺ صخماً الرأس واللحية

حضور صلی اللہ علیہ وسلم اعتدال دے نال بڑے سرتے بڑی داڑھی والے سن۔

۲- حضرت ابو ہریرہؓ روایت کردے نیں:

كان رسول الله ﷺ أسود اللحية

رسول اللہ صلی اللہ علیہ وسلم دی مبارک داڑھی کالے رنگ دی سی۔

۳- حضرت اُمّ معبدؓ فرمادیاں نیں:

كان رسول الله ﷺ كثيف اللحية

رسول اکرم صلی اللہ علیہ وسلم دی داڑھی سنگھنی سی۔

۴- حضرت ہند بن ابی ہالہؓ فرماندے نیں:

كان رسول الله ﷺ كث اللحية

حضور نبی کریم صلی اللہ علیہ وسلم دی مبارک داڑھی سنگھنی سی۔

۵- ترمذی شریف وچ ایہہ لکھیا اے۔

كان النبي ﷺ كان يأخذ من لحية من عرضها وطولها

حضور صلی اللہ علیہ وسلم اپنی داڑھی مبارک دے طول و عرض نوں برابر طور

تے کٹواندے سن۔

۶- حضرت انسؓ روایت کردے نیں:

وليس في رأسه ولحيته عشرون شعرة بيضاء

حضور نبی کریم صلی اللہ علیہ وسلم کی داڑھی مبارک تے سر مبارک

وچ چٹے والاں دی تعداد ویاں^۲ اتوں زیادہ نیں سی۔



ریش مبارک جس نوں دنیا کہندی داڑھی پیاری
سوہنے نبی دی بھرویں گھنی تے لگدی پتلی داڑھی

سُرخ سفید جے مکھڑے نوں ہو روی سوہنا کردی
وال داڑھی دے کٹوالیندے رہندی سی ترتیبی

گل ستاراں وال چٹے سی لگدے جہڑے سندر
ایہہ وی وال لکے رہندے سی باقیاں والاں اندر

دوویں پاسے اکو جے سی کہندے ابنِ مسیبؓ
کالی ساری داڑھی نبی دی پاک منور طیب

وچ حدیث دی گج کتاباں ایہہ وی لکھیا ملیا
سرتے داڑھی پاک دے اندروی والاں دالکھیا

ابرؤ مبارک

۱- حضرت ہند بن ابی ہالہ روایت کردے نیں:

کان رسول اللہ ﷺ ازج الحواجب سوابغ فی غیر
قرن، بینہما عرق یدرة الغضب
حضور اکرم ﷺ دے مبارک بھروٹے کمان دی طرح
ترچھے باریک تے گنجان سن۔ بھروٹے الگ الگ سن دوواں
بھروٹیاں دے درمیان اک رگ سی جہڑی غصے دی حالت وچ
اُبھر آندی سی۔

۲- اک ہو ر روایت ایس طراں اے:

کان رسول اللہ ﷺ دقیق العاجبین
رسول اللہ ﷺ دے پاک بھروٹے بہوت ای باریک سن۔
۳- سیدنا علی المرتضیٰؓ فرماندے نیں:

کان رسول اللہ ﷺ مقرون الحاجبین
رسول اللہ ﷺ دے مقدس بھروٹے اک دوسرے دے قریب سن۔



ترچھے پتلے وانگ کمان بھروٹے سی نبی دے
 اودوویں سی بھرویں سارے نالے وکھرے وکھرے
 اک روایت ایہہ وی دیکھی بھروٹے سی پتلے
 اوہناں دے وچ کارسی رگ جو غصے وچ پھڑکے
 مولا علیؑ گج ایویں دسدے بھروٹیاں دے بارے
 اک دوجے دے بہت کول سی بھروٹے او پیارے

چشمانِ مقدّس

- ۱- بخاری و مسلم دی روایت اے آپؐ نے فرمایا:
 أَقِيمُوا الرُّكُوعَ وَالسُّجُودَ فَإِنَّ اللَّهَ فِي لَأْرَاكُمْ مِنْ بَعْدِي
 اے لوگو! رکوع تے سجدے ٹھیک طریقے نال ادا کرو۔ اللہ
 دی قسم میں تہانوں اپنے پچھوں وی دیکھدا رہناں۔
- ۲- حضرت علیؑ روایت کردے نیں:
 کان او عَج العینین
 حضور دیاں اکھیاں لمیاں تے کالیاں پتلیاں سن۔
- ۳- حضرت ابو ہریرہؓ فرماندے نیں:
 کان اهدب الشفار العینین
 حضور دیاں مقدّس تے پاک اکھیاں لمیاں سن۔
- ۴- حضرت اُمّ معبدؓ فرماندیاں نیں:
 فی اشفاره وطف
 حضور دیاں مبارک پلکاں لمیاں سن۔

۵- حضرت علیؓ روایت کر دے نہیں:

وكان اسود الحقة

رسول اکرمؐ دی مبارک اکھیاں دی پتلی کالے رنگ دی سی۔

۶- سیدنا حضرت علیؓ روایت کر دے نہیں:

وكان اسود الحقة

رسول اللہ صلی اللہ علیہ وسلم دیاں پاک اکھیاں دی پتلیاں بہت ای کالیاں

سی۔

۷- حضرت جابر بن سمرہؓ روایت کر دے نہیں:

كان رسول الله ﷺ اشكل العينين

رسول اللہ دیاں پاک اکھیاں دے چٹے حصے وچ سرخ رنگ

دے ڈورے دکھائی دیندے سن۔



کالا رنگ اوہناں اکھیاں داسی پتلیاں لمیاں
ایہہ گلاں نہیں ابوہریرہؓ نالے علیؓ نے دسیاں

ایہہ وی آیا وچ حدیثاں پکاں وی سی لمیاں
ماہ تاباں ورگی سی پتلی کالی مارے ڈھلکاں

اکھیاں نال میں اگے کچھے ویکھ لینا ہاں سن لو
اپنے سجدے نال رکوع وی ٹھیک رکھو اے لوگو

چٹے حصے وچ اکھیاں دے لال رنگ دے ڈورے
سُرگیں اکھیاں دے اندروی سُرْمہ نظریں آوے

ناک مبارک

۱- حضرت علیؓ فرماندے نے۔

کان رسول اللہ ﷺ دقیق العرنین
رسول اللہ ﷺ دی مبارک بینی حسن اور موزوں ہون دے نال باریک
سی۔

۲- حضرت ہند بن ابی ہالہؓ فرماندے ہیں:

کان رسول اللہ ﷺ اقنی العرنین له نورٌ یعلوہ
یحسبہ من لم یتاملہ أشم
رسول اللہ دی مبارک ناک اُچی سی جسدے وچوں نور دیاں
شعاعاں چھٹیاں رہندیاں سن۔



بینی پیاری سوہنے نبیؐ دی وچکاروں سی اُچی
موٹی بھدی بالکل نہ سی بلکہ سی او پتلی

چاہت والی کرماں والی آب و تاب دکھاوے
او نورانی کرناں نال بینی ڈھلکاں مارے

جھڑا بندہ غور دے نال نہ بینی نوں تکدا
او آقاؐ دی بینی نوں سی اُچا لمبا دسدا

گوش مبارک

۱- حضور نبی کریمؐ نے آپؐ اپنی زبان مبارک نال فرمایا:

اِنِّیْ اَرٰی مَا لَا تَرَوْنَ وَاَسْمَعُ مَا لَا تَسْمَعُوْنَ

میں اوہناں چیزاں نوں وی دیکھ لینا جنہاں نوں تہاڈے چوں کوئی نیس ویکھداتے میں اوہناں آوازاں نوں وی سن لیناں چنانوں تہاڈے چوں کوئی نیس سندا۔

۲- حضرت عائشہؓ فرماندیاں نیں:

تَخْرُجُ الْاِذْنَانِ بَبِيَا ضَهْمًا مِنْ تَحْتِ تِلْكَ الْغُدَائِرِ

کائنما تو قد الکواکب الدریۃ بین ذالک السواد
نبیؐ دیاں کالیاں زلفاں دے درمیان دو چٹے کن مبارک اینج لگدے
جیویں ہنیرے وچ دو چمکن والے ستارے چمک رہے ہوں۔

۳- حضرت انسؓ روایت کردے نیں کہ اک دفعہ حضورؐ بنو نجار دے قبرستان چوں گزر رہے سن۔

فَسَمِعَ اصْوَاتَ قَوْمٍ يَعْذِبُونَ فِيْ قُبُورِهِمْ

حضورؐ نے قبراں وچ اوہناں مُردیاں دیاں آوازاں سنیاں
جنہاں تے قبر چ عذاب ہو رہیا سی۔



دونویں کن زلفاں اندر ڈھلکاں اینویں پاندے
جیویں کالی رات دے اندر چمکی جاندے تارے

کوئی ہو رہو نہ سُن سکدا او آوازاں سُن دے
اپنی پاک زبان دے نالوں آپؐ حضورؐ سی دسدے

وچ قبراں دے مُردیاں نال جو عذاب وی ہو یا
اوہناں مُردیاں دی وازاں نوں وی آقاؐ نے سُنیا

رُخسارِ روشن

۱- سیدنا حضرت ابوبکر صدیق ؓ روایت کر دے نہیں۔

کان رسول اللہ ﷺ أبيض الخدين

رسول اللہ صلی اللہ علیہ وسلم دے رُخسار (گال مبارک) مبارک چٹے رنگ دے سن۔

۲- حضرت ہند بن ابی ہالہ روایت کر دے نہیں۔

قال کان رسول اللہ ﷺ سهل الخدين

رسول اللہ صلی اللہ علیہ وسلم دے پاک رُخسار (گال) ہموار (برابر) سن۔

۳- حضرت ابوبکر صدیق ؓ روایت کر دے نہیں:

کان رسول اللہ ﷺ أبيض الخد

رسول اللہ صلی اللہ علیہ وسلم دے مبارک گال بہت ای چمکدار سن۔

۴- حضرت ابو ہریرہؓ فرماندے نہیں:

کان رسول اللہ ﷺ أبيض الخدين

رسول اللہ صلی اللہ علیہ وسلم دے مبارک گال سفید رنگ دے سن۔



سوہنے آقا دے رُخساری چٹے رنگ دے سارے
نہ اُبھرے نہ اُچے نیویں لگدے سن او پیارے

نرماہٹ او ہناں دی تکیاں پھل حجاب سی کر دے
روشن سی تے رج کے روشن ویکھ کے چن شرماوے

لب اقدس (ہونٹ)

۱- امام مہمانیؒ فرماندے ہیں:

کان رسول اللہ احسن عباد اللہ شفیتین والطفہم
ختم فم

رسول اللہ صلی اللہ علیہ وسلم دے پیارے ہونٹ اللہ دے سارے
بندیاں نالوں سوہنے سن خاموشی دے ویلے بہت ای کھلے
ہوئے تے نرم و نازک محسوس ہوندے سن۔

۲- حضرت جابرؓ روایت کردے ہیں:

کان فی کلام رسول اللہ ﷺ ترتیل او ترسیل

رسول اللہ صلی اللہ علیہ وسلم دیاں گلاں ایخ سن جیویں موتی پروئے جا
رہے نیں تے نالے ایہہ گلاں پاسیدار سن۔

۳- سیدہ عائشہؓ فرماندیاں نیں:

ان النبی ﷺ کان یحدث حدیثاً، لوعده العادلا حصاه

نبی صلی اللہ علیہ وسلم ایس طراں ٹھہر ٹھہر کے گلاں کردے سن کہ اگر کوئی گنا
چاہوے تے گن سکد اسی۔

۴- حضرت امّ معبدؓ فرماندیاں نیں:

(کلامہ) فصل لا نذر ولا ہذر

حضور صلی اللہ علیہ وسلم دی بات چیت بہت ای مٹھی تے ویلے مطابق ہندی سی۔



ایس دُنیا چ رب نے جنھے پیدا کیئے بندے
ہونٹ نبیؐ اطہر دے اوہناں لوکاں نالوں چنگے

موتی جیویں ہون پروئے ایویں گلاں کر دے
جس ویلے اوچپ رہندے سی ہونٹ وی نازک لگدے

ہولی ہولی گلاں کر دے جو چاہوے او گن لے
ویلے دے سی عین مطابق مٹھے بول نبیؐ دے

مکھڑا (دہن) مبارک

۱- حضرت جابرؓ فرماندے نیں:

كان رسول الله ﷺ ضليح الفم
رسول اللہ صلی اللہ علیہ وسلم دا مکھڑا کشادہ سی قرآن کریم دسد اے۔

وما ينطق عن الهوى ان هو الا وحي يوحى
حضورؐ اپنی مرضی نال کوئی گل نہیں کردے بلکہ آپؐ او ای گل
کردے سن جس دا حکم اللہ دیندا سی۔

حضرت عبداللہ بن عمرؓ دسدے نیں کہ حضورؐ نے خود فرمایا سی۔

۳- اکتب فوالذی نفسی بیدہ ما یخرج منه الاحق
اُس ذات دی قسم جدھے قبضے چ میری جان اے اس منہ چوں
صرف سچی گل ای نکلی اے۔



مکھڑا پاک نبیؐ سرورؐ دا سوہنا نالے کشادہ
حال نبیؐ دے سوہنے مونہہ دا آپؐ قرآن سناندا

اپنی مرضی نال تے کوئی گل کدی نہ کردے
ہندا جو وی حکم الہی او ای آقاؐ کہندے

میرے مونہہ چوں جھڑی وی نکلے گل سچی ہووے
لکھ لو سوہنا مینوں تے او دھی قبضے چ جان اے جس دے

دندان مبارک

۱- حضرت عبداللہ بن عباسؓ روایت کر دے نہیں:

كان رسول الله ﷺ أفلج الثنيتين اذا تكلم رءى
كالنور يخرج من بين ثناياه

رسول اللہ صلی اللہ علیہ وسلم دے سامنے والے دندان چ مناسب وقفہ
سی۔ آپ جس ویلے گل کر دے سن تے دندان دیاں درزاں
چوں نور دیاں شعاواں نکلدیاں سن۔

۲- حضرت ہند بن ابی ہالہؓ روایت کر دے نہیں:

كان رسول الله رسول الله ﷺ يفتر عن مثل حب
الغمام۔

حضور صلی اللہ علیہ وسلم جدوں ہلکا جیہا ہسدے تے اوہناں دے
پیارے دند بارش دے اولیاں وانگوں محسوس ہوندے سن۔

۳- حضرت علیؓ فرماندے نہیں:

مبلج الثنايا وفي رواية عنه براق الثنايا

حضور نبی کریم صلی اللہ علیہ وسلم دے مبارک دند بڑے چمکیے سن۔



دند نبیؐ سرور دے سارے بہوتے سن چمکیے

ایہہ روایت کر دیاں سانوں دسیا مولا علیؓ نے

گلاں کر دیاں ویلے دند سی موتیاں وانگوں کھڑ دے
ہر شے روشن ہو جان دی سی جس ویلے سی ہسدے

دندان وچ درزاں دے اندروں نکلن نور شعاواں
چہرہ آپؐ دا ایخ ہو جاندا جیویں پھل گلاباں

بارش والے اولیاں وانگوں چٹے دند سہانے
جہڑے ویلے پاک محمد صلی اللہ علیہ وسلم تھوڑا سی مسکاندے

پسی وچوں نکلے ہوئے موتی ورگیاں شانناں
جیویں وچ انگوٹھی ہیرا بنیاں ایہہ پہچاناں

زبان مبارک

اللہ رب العزت قرآن پاک وچ اپنے محبوب توں مخاطب ہو کے
فرماندا اے۔

لَا تُحَرِّكْ بِهِ لِسَانَكَ لِتُجْعَلَ بِهِ

وحی دے نازل ہون دے ویلے تسی اینوں یاد کرن لئی اپنی زبان
مبارک نوں جلدی جلدی حرکت نہ دو۔

حضرت علیؓ روایت کردے نیں:

كان رسول الله ﷺ يخزن لسانه الا فيما يعنيه

حضور نبی کریم اپنی زبان مبارک نوں بے معنی گلاں توں محفوظ
رکھدے سن۔



بے مطلب گلاں توں پاک سی رہندی ہر دم چھڑی
حق و سچ دا شیشہ سی او پاک زبان نبیؐ دی

ہولی ہولی یاد کرن لئی اللہ پاک سی کہندے
جلدی جلدی پاک وحی نوں آقا سی دہراندے

اپنی مرضی نال حضورؐ تے گل کوئی نہ کردے
ہندا جو وی حکم الہی میرے نبیؐ او دسدے

آواز مبارک

۱- حضرت انسؓ روایت کر دے ہیں۔

بعث نبیکم ﷺ فبعثه حسن الوجه حسن الصوت
اللہ رب العزت نے نبی مکرمؐ کو مبعوث فرمایا تے اوہناں نوں
سوہنے چہرے تے سوہنی آواز دے نال مبعوث فرمایا۔

۲- حضرت اُمّ معبدؓ فرماندیاں ہیں:

فی صوتہ صحل

آپؐ دی آواز بچ رعب سی۔

۳- حضرت جبیر بن مطعمؓ روایت کر دے ہیں:

کان رسول اللہ ﷺ حسن النغمۃ

رسول اللہ ﷺ کی خوش کلامی بہت خوبصورت سی۔



دل نوں چنگی لگن والی واج نبیؐ اطہر دی
مٹھی مٹھی بہت سہانی دل تے اثر سی کر دی
ٹھہر ٹھہر کے گلاں کر دے ہو روی سوہنے لگدے
دل کھچ لیندی واج اوہناں دی جد تلاوت کر دے

جنھے مرضی ہوں صحابہؓ اوہناں تک آ جان دی
کٹاں وچ جو رس پئی گھولے او آواز نبیؐ دی

لاگے بیٹھے وی سن لیندے سُن دے دور جو ہندے
جے کر ہندے وچ بازاراں او سُن کے بہے جان دے

گردن اقدس

۱- حضرت ہند بن ابی ہالہؓ روایت کر دے نیں:

كان عنقه جيد دمية في صفاء الفضة

حضور صلی اللہ علیہ وسلم دی گردن اللہ پاک نے چتر کاری کیتی ہوئی تے

چاندی دی طرح صاف بنائی سی۔

۲- حضرت اُمّ معبدؓ بیان کر دیاں نیں:

وفي عنقه سطح

حضور صلی اللہ علیہ وسلم دی گردن مبارک لمبی سی۔

۳- سیدہ عائشہ صدیقہؓ فرماندیاں نیں:

وكان احسن عباد الله عنقا، ينسب الى الطول ولا الى

القصر۔

اللہ تعالیٰ دے سارے بندیاں نالوں آپؐ دی مبارک گردن

من موہنی صورت والی سی نہ زیادہ لمبی تے نہ زیادہ چھوٹی۔

۴- حضرت حافظ ابو بکر بن ابی خيثمةؓ فرماندے نیں:

كان رسول الله احسن الناس عنقا ما ظهر من

عنقه للشمس والرياح فكانه إبريق فضة مشرب

ذهبا يتلأ لا في بياض الفضة وحمرة الذهب وما

غابت الثياب من عنقه فما تحتها فكان القبر

ليلة البدر

حضور پاک کی مبارک گردن سب لوکاں نالوں ودھ کے سوہنی

سی۔ دُھپ یا ہوا چ گردن دا جیہڑا حصہ نظر آند اسی او چاندی دی

صراحی ورگا سی۔ جھدے وچ سونے دا رنگ انج بھریا گیا

ہوئے کہ چاندی دی سفیدی تے سونے دی لالی دی جھلک نظر

آندی ہوئے۔ تے آپؐ دی مبارک گردن دا جیہڑا حصہ کپڑیاں

چچ چھپ جاندا اسی او چودھویں رات دے چن دی طراں روشن

تے چمکیلا ہند اسی۔

حضور دے پیارے مونڈھے



۱- سیدنا ابو ہریرہؓ روایت کر دے ہیں:

كان رسول الله عظيم مشاش المنكبين

رسول اللہ ﷺ دے مونڈھیاں دے جوڑ بڑے تے مضبوط سن۔

۲- حضرت انسؓ فرماندے ہیں کسے ویلے کوئی دیہاتی آ کے حضور دی قمیص کھینچ لیتا تے

فكانما انظر حين بدا منكبه الى شقة القبر من

بیاضہ (صلی اللہ علیہ وسلم)

آپؐ پیارے مونڈھیاں دی سفیدی تے چمک دی وجہ نال اس

طرح نظر آندے جیویں اسپیں چن دا ٹکڑا دیکھ رہے آں۔

۳- حضرت علی المرتضیٰؓ، حضرت ابو ہریرہؓ، حضرت ہند بن ابی ہالہؓ اور

حضرت براہن عازبؓ روایت کر دے ہیں:

كان النبي ﷺ مربوعاً بعيداً ما بين المنكبين

حضور نبی کریم درمیانے قد دے سن دوواں مونڈھیاں دے

درمیان فاصلہ سی۔

گردن پاک نبیؐ سوہنے دی چٹی چاندی ورگی
اٹخ لگدی سی جیویں صراحی اُتے چترکاری

بی بی اُمّ معبدؓ دسیا دھون نبیؐ دی لمبی
اللہ دے سب بندیاں کولوں او سوہنی سی لگدی

دُھپ ہوا دے اندر جھڑا حصّہ نظری آندا
دیکھن والے ایہو دسدے او صراحی ورگا

سونے چاندی نال بنی جے ہووے اک صراحی
چٹی چاندی ورگی سی تے لال او سونے ورگی



پینڈو آ کے پاک نبیؐ دا جد کھچ لیندے گرتہ
 مونڈھا پاک نبیؐ دا لگدا جیویں ٹکڑا چن دا
 وِچ حدیثاں ایہو لکھیا قد میانہ نبیؐ دا
 دونویں مونڈھیاں دے وِچ فاصلہ جھاتی پیندا
 جوڑ نبیؐ دے مونڈھیاں والے نظریں آن توانا
 آپؐ دے سوہنے مونڈھیاں بارے دس ابو ہریرہؓ

بازوئے مقدس

- ۱- حضرت ہند بن ابی ہالہؓ روایت کردے نیں:
 کان رسول اللہ ﷺ... أشعر الذراعین
 حضورؐ دی مبارک کلائیاں تے بال موجود سن۔
- ۲- حضرت ابو ہریرہؓ فرماندے نیں:
 کان رسول اللہ ﷺ عظیم الساعدین
 حضورؐ اقدس دے بازو اعتدال نال بڑے سن۔
- ۳- حضرت ہند بن ابی ہالہؓ روایت کردے نیں:
 کان رسول اللہ ﷺ سبط القصب
 حضورؐ دے بازو مبارک تے پنڈلیاں دی ساخت خوشنمائی۔
- ۴- امام بیہقیؒ فرماندے نیں:
 وکان عبل العضدين والذراعين، طويل الذندين
 حضور ﷺ دی بانہواں دیاں مچھلیاں سفید تے چمکدار سن تے
 آپؐ دیاں کلائیاں لمبیاں سن۔



پاک نبیؐ دیاں بانہواں بارے ابوہریرہؓ دسدے
 بہت عظیم بازو نبیؐ دے اوہناں نوں سی لگدے
 وال کلائیّاں اُتے وی سن کہندے ابنِ ہالہؓ
 بانہواں پاک نبیؐ سرورؓ دی بنیاں ودھیا اعلیٰ
 بانہواں سرورؓ عالم دیاں چٹیاں نالے لمیاں
 حُسن اوہناں دا جیویں شیشہ پکے جوڑ کلایاں

دستِ اقدس

- ۱- حضرت انسؓ روایت کردے نیں:
 مَا مَسَّتْ حَرِيرًا وَلَا دِيْبًا جَاءَ الْبَيْنَ مِنْ كَفِّ النَّبِيِّ ﷺ
 میں کسے وی ایہو جے ریشم یا دیباج نوں چھو یا نہیں جہڑا نرمی چ
 رسول اللہؐ دے مبارک ہتھ نالوں زیادہ نرم ہووے۔
- ۲- حضرت مستورد بن شدادؓ اپنے والد دے حوالے ذکر کردے نیں:
 أَتَيْتُ رَسُولَ اللَّهِ ﷺ فَأَخَذْتُ بِيَدِهِ فَأَذَا هِيَ أَلَيْنَ
 مِنَ الْحَرِيرِ وَابَرَدَ مِنَ الثَّلَجِ
 میں رسول اللہ صلی اللہ علیہ وسلم دی خدمت مطہرہ چ حاضر ہو یا۔ بس میں
 رسول اللہ صلی اللہ علیہ وسلم دے ہتھ پھڑ لئے۔ حضورؐ دے پاک ہتھ ریشم
 توں زیادہ نرم تے ملائم سن۔
- ۳- حضرت جابر بن سمرہؓ روایت کردے نیں کہ اک دن آپ مسجد توں
 باہر تشریف لیائے۔ اوس ویلے جنھیں وی بچے موجود سن ساریاں دیاں
 گلاں نوں تھپتھپیا تے میریاں گلاں نوں وی۔

فوجدت لیدہ برداً اور یجاً کا نما آخر جہا من جونة

عطار

بس میں حضور صلی اللہ علیہ وسلم دے پاک ہتھوں دی ٹھنڈک تے خوشبو

ایچ محسوس کیتی جیویں حضور نے ہن ای عطّار دی ڈبی چوں ہتھ

کڈھے ہون۔



نرم دیباچ تے ریشم نالوں ہتھ نبی دے سوہنے

موم ملیم جیویں ہندا اے ہتھ ملیم اوہناں دے

مسجد اندروں باہر نکدے ملدے جہڑے بچے

اپنے نرم ہتھوں دے نال گال اوہناں دے ملدے

میری گلاں نوں پاک نبی نے جس ویلے ہتھ لائے

حضرت جابر ابن سمرہ پاک روایت کر دے

ایچ لگدا سی عطر دی ڈبی وچوں کڈھے ہوئے

پاک نبی دے ہتھ مبارک خوشبو والے ٹھنڈے

انگشتان مبارک

۱- حضرت ہند بن ابی ہالہؓ روایت کر دے نہیں:

کان رسول اللہ سائل الاطراف

رسول اللہ دیاں برکت والیاں انگلیاں لمبیاں تے خوبصورت سن۔

۲- اک ہو روایت اے کہ

کان اصابعه قضیان فضة

حضور صلی اللہ علیہ وسلم دیاں پیاریاں انگلیاں چاندی دیاں ڈلیاں ورگیاں سن۔



پاک نبیؐ دے ہتھ دیاں انگلاں سوہنیاں نالے لمیاں

چمک اوہناں دی اپنی پیاری جیویں چن دیاں ڈلیاں

سدھیاں لمیاں انگلیاں بارے وچ حدیثاں آیا

چن وجد وچ آ جاندا سی اور کدی ٹٹ جاندا

ہتھیلیاں مبارک



۱- حضور نبی کریم ﷺ دی پاک ہتھیلیاں دے بارے حضرت ہند بن

ابی ہالہؓ دسدے نیں کہ

كان رسول الله ﷺ رَحْبَ الرَّاحَةِ

حضور ﷺ دیاں ہتھیلیاں چوڑیاں سن۔

۲- حضرت انسؓ روایت کردے نیں:

وكان بسط الكفين

حضور نبی کریم ﷺ دیاں مبارک ہتھیلیاں کشادہ سن۔

حضرت عبداللہ بن ہلال انصاریؓ اپنے تاثرات کج ایس طراں

دسدے نیں۔

۳- فما أنسى وضع رسول الله يده على رأسي حتى

وجدتُ بددها

میں حضور ﷺ دے پیار محبت ہمدردی تے نرمی والے ہتھ

دی راحت نوں کدی نہیں بھلیا۔ جدوں آپؐ نے اپنا برکت والا

ہتھ میرے سرتے رکھیا سی۔

ہتھیں دی تلیاں دے بارے دسیا ہندؓ صحابی

ماس نال تے بھریاں سی او نالے سن شادابی

جس دے نال وی ہتھ ملاندے ٹھنڈا! اوہنوں سی پیندی

خشبواو ہناں ہتھیں وچوں مذمتاں ناں سی جاندی

ہتھ ملے تے اینج لگدا سی پھلاں نوں ہتھ لایا

برکتاں والے ایہہ ہتھیں نوں اللہ نے سی بنایا

بغل مبارک

۱- اک ویلے حضرت ابو موسیٰؓ نے حضور صلی اللہ علیہ وسلمؐ نوں وضو واسطے پانی پیش کیتا تے آپؐ نے خوش ہو کے اوہناں نوں دعا دتی تے اپنے مبارک ہتھاں نوں اُتے بلند کیتا اوس ویلے اوہناں نے کی مشاہدہ کیتا سی اودس دے نیں۔

ورأيت بياض الطيه

میں حضور صلی اللہ علیہ وسلمؐ دی بغلاں دی سفیدی دیکھی۔

۲- اک ہور صحابیؓ روایت کر دے نیں کہ او بارگاہِ نبویؐ چ اپنے باپ دے نال موجود سن۔ تے اوس ویلے حضرت مانعہ بن مالکؓ نوں اوہناں دے اقرار جرم تے سنگسار کیتا جا ریاسی۔ میرے اُتے خوف طاری ہو گیا۔ ایس توں پہلے کہ میں بے ہوش ہو کے ڈگ جانا۔

فضمني اليه رسول الله ﷺ فسال علي من عرق

ابطه مثل ريح المسك

بس رسول اللہ صلی اللہ علیہ وسلمؐ نے مینوں اپنے نال لالیا۔ اوس ویلے آپؐ دی برکت والی بغلاں دا پسینہ میرے اُتے ڈگیا جدی خشبو کستوری دی خوشبودی طراں سی۔



آپؐ دیاں بغلاں دے بارے ابو موسیٰؓ فرمایا جنھاں آپؐ دیاں بغلاں نوں وضو کراندیاں تکیا

کہندے نے میں پانی لے کے وضو کراون آیا ہوئے خوش تے ہتھ اٹھا کے تحفہ دتا دعا دا

اک صحابیؓ اُتے ڈگیا پاک نبیؐ دا پسینہ کستوری دی خشبو وانگوں سمجھیا اوس نوں اوہناں

پاک صاف تے چٹیاں بغلاں چن دے ٹکڑے جہیاں دیکھن والے سارے صحابہؓ ایہو جہیاں کہیاں

سینہ اقدس

۱- حضرت ہند بن ابی ہالہؓ روایت کر دے ہیں:

کان رسول اللہ ﷺ عریض الصدر
رسول اللہ صلی اللہ علیہ وسلم دانورانی سینہ کشادہ سی۔

۲- امام بیہقیؒ روایت کر دے ہیں:

وکان عریض الصدر ممسوحہ كأنه المرأیا فی
شدتها واستوائها، لا یعد وبعض لحمه بعضاً، علی
بیاض القمر لیلۃ البدر۔

حضور صلی اللہ علیہ وسلم دا پاک سینہ، چوڑا، کشادہ شیشے دی طرح سخت تے
برابری۔ کوئی اک حصہ وی دوسرے حصے توں ودھیا ہو یا نہ سی۔
سینے دی سفیدی تے چمک دمک چودھویں رات دے چن ورگی
سی۔

کان رسول اللہ ﷺ فسیع الصدر

رسول اللہ صلی اللہ علیہ وسلم دے پاک سینے ج وسعت پائی جاندی سی۔



کھلا چوڑا اگو جیہا سینہ پاک نبیؐ دا
نوری نوری ابھریا ہو یا سینہ پاک نبیؐ دا
سینہ پاک توں ناف تا نیس پتلی والاں دی لیک
کوئی وال نیس سن ایہہ وی سارے سن بریک
آب و تاب وی سینے دی سی پورے چن دے ورگی
ودھیا ہو یا کوئی وی حصہ اک دو جے توں نہ سی

قلب اطہر

اللہ تعالیٰ قرآن پاک بچ ارشاد فرما دے۔

فَبِمَا رَحْمَةٍ مِنَ اللَّهِ لِنْتَ لَهُمْ وَلَوْ كُنْتَ قَطًّا غَلِيظَ

الْقَلْبِ لَا تَفْضُوا مِنْ حَوْلِكَ

اے حبیب صلی اللہ علیہ وسلم اللہ کی کیسی رحمت اے کہ تسی اینہاں دے

لئی نرم طبیعت والے او جے تسی جلدی ناراض ہون والے تے

سخت ہوندے تے ایہہ لوگ تہاڈے کولوں چھٹ کے دوڑ

جان دے۔

۲- سیدہ عائشہ صدیقہؓ فرمادیاں نیں کہ حضور صلی اللہ علیہ وسلم نے دسیا:

ان عینی تنامان ولا ینام قلبی

ایدھے وچ کوئی شک نیں کہ میریاں اکھیاں تے سوں جان دیاں

نیں پر میرا دل نیں سوندا۔

۳- حضرت عبداللہ بن عباسؓ نے حضرت کعبؓ نوں اس بارے بچ

سوال کیتا کہ:

اخبرنی عن قوله تعالى مثل نُورِه كمشكوة فيها

مصباح المصباح في زجاجة

حضرت کعبؓ نے جواب دتا مشکوٰۃ توں مراد حضور صلی اللہ علیہ وسلم دا

مبارک سینہ اے۔ زجاجة توں مراد آپ دا بہت ای پاکیزہ دل

اے۔ جدوں کہ مصباح توں مراد نبوت دی صفت اے جھڑی

شجرہ نبوت توں روشن اے۔

مبارک پیٹ

۱- حضرت اُمّ معبدؓ روایت کر دیاں نیں۔

لَمَّا تَعَبَهُ ثَجَلَةٌ

حضور صلی اللہ علیہ وسلم پیٹ بڑا ہون دے عیب توں پاک سن۔

۲- حضرت ہند بن ابی ہالہؓ فرماندے نیں:

كَانَ رَسُولُ اللَّهِ... سَوَاءَ الْبَطْنِ وَالصَّدْرِ

حضرت اُمّ ہلالؓ تاجدارِ کائنات حضور صلی اللہ علیہ وسلم دے شکم مبارک
دا ذکر کر دیاں ہویاں فرماندیاں نیں۔

مَا رَأَيْتُ بَطْنَ رَسُولِ اللَّهِ قَطُّ إِلَّا ذَكَرْتُ

الْقُرَاطِيسَ الْمَثْنِيَةَ بَعْضُهَا عَلَى بَعْضٍ۔

حضور صلی اللہ علیہ وسلم دے مبارک پیٹ نوں میں ہمیشہ ایس حالت چ
دیکھیا کہ جیویں کاغذ دی تہہ اُتے تہہ لگی ہوئے۔

۴- سیدنا حضرت ابو ہریرہؓ روایت کر دے نیں:

كَانَ رَسُولُ اللَّهِ ﷺ أَبْيَضَ الْكَشْحِينَ



پاک نبیؐ دے دل دے ورگا دل نہ ہو رہ بنایا
ایسے دل وچ نورِ مبین تے نورِ الہی آیا

دل اوہناں دا شیشے ورگا ہر کوئی جھاتی پاوے
دیکھے بھانویں کوئی نہ دیکھے ہر کوئی کھچیا آوے

مکھڑا آپؐ دے دل دے ورگا دل وی مکھڑے ورگا
اوہناں دل نوں تگناں ای کیوں سی چہرہ جہاں نے تگیا

اکھاں سون تے دل نہ سونے وچ حدیثاں آیا
ایسے دل چ لوکاں دے لئی رحمت ڈیرا لایا

رسول اللہ صلی اللہ علیہ وسلم دے دونوں پہلو سفید سن۔

۵۔ اک ہو روایت اے کہ حضور صلی اللہ علیہ وسلم دے مبارک پیٹ تے وال نہیں

سن۔ ہاں والاں دی اک لکیر سینہ انورتوں شروع ہو کے ناف تے ختم

ہو جاندی سی۔

لیس فی بطنہ ولا صدرہ شعر غیرہ

اوس لکیر دے علاوہ آپ دے سینہ نور تے مبارک پیٹ تے

وال نہیں سن۔



سوہنے نبی دے پیٹ دے بارے دسیا پاک صحابہؓ

نرم ملیم تے ریشم ورگا سوہنا چن دے ورگا

ودھیا ہون دے عیب کولوں تے پاک سی پیٹ نبی دا

وچ حدیثاں ایہہ وی آیا نہ موٹا تے نہ پتلا

ناف مبارک

۱- حضرت قاضی عیاضؒ نے ”الشفاء“ دے وچ اک روایت (۴۲:۱) نقل کیٹی اے فرماندے نیں:

كان النبي ﷺ قد وُلِدَ مَخْتُونًا، مَقْطُوعِ السَّرَّةِ

ایدھے وچ کوئی شک نیں کہ آپ ختنہ شدہ تے ناف بریدہ پیدا ہوئے سن (آپ دی ناف نیں سی)

۲- سیدنا عبداللہؓ بن عباسؓ اپنے والد محترم دے حوالے نال روایت کر دے نیں۔

ولد رسول الله مَخْتُونًا مَسْرُورًا یعنی مَقْطُوعِ السَّرَّةِ

فأعجب بذلك جده عبدالمطلب، وقال ليكونن

لنبي ﷺ هذا شأن عظيم

رسول اللہ صلی اللہ علیہ وسلم ختنہ شدہ تے ناف بریدہ (آپ دی ناف نیں

سی) پیدا ہوئے تے آپ دے دادا حضرت عبدالمطلبؓ ہوراں

نوں حیرانی ہوئی تے اوہناں فرمایا میرا ایہہ بیٹا یقین دے طور

تے بے شک بہت اُچی شان داما لک ہوئے گا۔



پیدا ہوئے پاک نبیؐ تے ناف وی کٹی ہوئی سی

سوہنا مکھڑا کالیاں زلفاں شان وی شاناں والی

دادے پوتے نوں تکیا تے ایہہ جملہ فرمایا

میرا پتر ایہہ ہوئے گا اُچیاں شاناں والا

پُشت اقدس

(جسم دے درمیان والا حصہ)

۱- سیدہ عائشہ صدیقہ سلام اللہ علیہا روایت کر دیاں نیں:

وكان واسع الظهر

حضور صلی اللہ علیہ وسلم دے جسم مبارک دے درمیان والا حصہ کشادہ سی۔

۲- سیدہ عائشہ صدیقہ فرمادیاں نیں:

وكان طويل مسربة الظهر

رسول اللہ صلی اللہ علیہ وسلم دی ریڑھ دی ہڈی لمبی سی۔

۳- حضرت محرش بن عبد اللہ روایت کر دے نیں کہ اک ویلے میں حضور

نوں عمرے دا احرام بٹھدیاں تکیا۔

فنظرتُ إلى ظهره كأنها سبيكة فضة

میں جدوں آپ دی مبارک کمرول جھاتی پائی تے اوہنوں

چاندی دے ٹکڑے ورگا پایا۔



اک رویت ایہہ وی دیکھی جس دے محرشؓ راوی
پاک نبیؐ عمرے دی جس دم کرن لگے تیار

عمرے دا احرام جو بٹھیا پاک نبیؐ سرور نے
اکھیاں نوں مسحور سی کیتا اک نوریں منظر نے

دیکھی پشت نبیؐ سوہنے دی چاندی ورگیاں ڈھلکاں
کمر نبیؐ انور تے میری جس دم نظراں پیاں

دل کش نالے چوڑی کمری میرے کریم آقا دی
ہڈی ریڑھ مبارک والی سوہنی لمبی نوری

مبارک رانیں

(گھٹنے دے اوپر والا حصہ)

- ۱- حضرت انس بن مالکؓ روایت کر دے ہیں:
 لَمْ حَسِرَ الْاِزَارَ عَنْ فَخْزِهِ حَتَّىٰ اَنِى اَنْظُرَ اِلَىٰ بِيَاضِ
 فَخْزِ نَبِىِّ اللّٰهِ
 فیر جدوں حضورؐ نے اپنی ران مبارک توں تہبند ہٹائی تے میں
 حضورؐ دی مبارک ران دی سفیدی دیکھی۔
- ۲- حضرت ابو امامہ حارثیؓ روایت کر دے ہیں:
 كَانَ رَسُولُ اللّٰهِ ﷺ يَجْلِسُ الْقِرْفَاءَ
 رَسُولُ اللّٰهِ ﷺ يَجْلِسُ الْقِرْفَاءَ
 اوہناں دا گھٹنیاں توں اوپر والا حصہ اوہناں دے پیٹ نال لگیا
 ہوندا سی۔



وچ حدیثاں ایہہ وی آیا گج صحابہؓ کہندے
 کئی واری گوڈیاں اُتے زور لگا کے بیندے
 آقاؐ دیاں راناں دے بارے دسیا پاک صحابیؓ
 جسم دے باقی حصیاں وانگوں ایہہ وی تے چٹیاں سی
 پاک نبیؐ جس محفل اندر خود تشریف لے آندے
 راناں نوں سی اپنے پیٹ دے نال لگا کے بیندے



مولا علیؑ نے آقا والیاں زانواں بارے دسیا
 او فرماندے نیں عظمت دا ایہہ سن سوہنا شیشہ
 باقی جسم دے حصیاں وانگوں گوڈھے پاک نورانی
 گوشت نال پُرسی گوڈھے سارے جوڑ قرآنی

زانوئے مبارک

- ۱- حضرت علیؑ روایت کردے نیں:
 کان رسول اللہ ﷺ... فخم الکرا دیس
 رسول اللہ ﷺ دے مبارک گھٹنے گوشت نال پُرسن
- ۲- اک ہو روایت اے:
 کان رسول اللہ... جلیل المشاش
 حضور ﷺ دے مبارک جوڑاں دیاں ہڈیاں موٹیاں سن۔

مبارک پنڈ لیاں

۱- حضرت ابو جحیفہؓ روایت کر دے نیں کہ اک دن حضورؐ اپنے خیمے چوں باہر تشریف لیائے تے مینوں اوہناں دیاں مبارک پنڈ لیاں دیکھن دا عظیم موقع ملیا۔ اج وی میرے خیالاں بچ اوس منظر دی یاد تازہ اے۔

کان انظر الی و بیض ساقیہ

جیویں میں آپؐ دی مبارک پنڈ لیاں دی سفیدی دیکھ ریاواں۔

۲- حضرت جابرؓ بن سمرہ روایت کر دے نیں:

کان فی ساقی رسول اللہ حموشة

رسول اللہ دی پیاریاں پنڈ لیاں پتلیاں سن۔

۳- حضرت سراقہؓ دسدے نیں کہ جدوں میں اوہناں دا پچھا کر دا ہویا حضورؐ کول آیا تے

فلما دنوت منه وهو علی ناقته جعلت انظر الی

ساقہ کانہا جمارة

بس جدوں میں حضور صلی اللہ علیہ وسلم دے کول آیا تے اوس ویلے آپؐ

اونٹنی تے سوار سن تے مینوں اوہناں دیاں پنڈ لیاں دی زیارت

تے انج لگیا جیویں کھجور دا خوشہ پردے چوں باہر نکل آیا ہووے۔



پنڈ لیاں نورانی ڈلیاں نرم تے چاندی جیہاں

ایہہ دسدے نیں پاک صحابیؓ جنہاں نیں سی چٹمیاں

جس دم آقاؐ ہجرت کیتی کچھے سراقہؓ آیا

اس دن اوہنوں سوا اونٹھاں دے لالچ نے اُکسایا

کچھے آنڈیاں جھاتی اوہناں پنڈ لیاں اُتے پائی

اک کھجور دے کھوشے وانگوں اوہناں نوں سی جاپی

قدمین شریفین

۱- حضرت عبداللہ بن بریدہؓ توں روایت اے:

ان رسول اللہ ﷺ کان احسن البشر قدما
رسول اللہ صلی اللہ علیہ وسلم دے مبارک پیر سارے انساناں نالوں ودھ
کے سوہنے سن۔

۲- حضرت انسؓ حضرت ابو ہریرہؓ حضرت ہند بن ابی ہالہؓ تے دوسرے
ہو صحابیؓ روایت کردے نیں:

کان النبی ﷺ شش القدمین والكفین
رسول اللہ صلی اللہ علیہ وسلم دیاں تکیاں تے برکتاں والے پیر گوشت نال پُرسن۔
۳- حضرت انسؓ تے سیدنا حضرت ابو ہریرہؓ روایت کردے نیں

کان النبی ﷺ ضخم القدمین
نبی کریم صلی اللہ علیہ وسلم دے پیر مناسب بڑے سن۔
۴- اک ہو روایت اے پئی:

حضور صلی اللہ علیہ وسلم دے برکتاں والے پیر اکو جے تے نرم سن۔



نرم گداز تے دل موہ لیندے قدم نبیؐ انور دے
ساری دنیا دے انساں نالوں ودھ کے سوہنے

جس ویلے پتھراں دے اُتے قدم مبارک آندے
کولے کولے پتھر سارے فوراً ای ہو جاندے

جھڑی زمین یا پتھراں اُتے اپنے پیر سی رکھدے
اج وی اوہناں تھاواں اُتے کجھ نشان نیں ملدے

پیراں دیاں اُنگلیاں

حضرت میمونہ بنت کردمؓ رویت کر دیاں نیں کہ اک دفعہ اوہناں اپنے والد دے نال حضورؐ دے پیراں نوں ویکھیا جدوں۔
حضورؐ اونٹنی تے سوار سن تے حضرت میمونہؓ دے والد نے حضورؐ دیاں پیراں نوں پھڑیا سی۔

فما نسیت فیما نسیت طول اصبع قدمہ السبابة
علی سائر اصابعہ
بس میں آج تک حضور صلی اللہ علیہ وسلم دے برکتاں والے پیر دی
انگوٹھے دے نال والی انگلی دی خوبصورتی دوسری انگلیاں دے
مقابلے چ سوہنی لمبائی نہیں بھلی۔



پاک نبیؐ دے پیراں دیاں برکت والی انگلاں
سوہنیاں سی تے اکو جہیاں اور سی کافی لمیاں
انگوٹھے دے نال سی انگلی دُجیاں نالوں لمبی
ایہہ میمونہؓ بنت کردم دے نال روایت مروی

مبارک تلوے

۱- حضرت ہند بن ابی ہالہؓ روایت کر دے نہیں:

کان رسول اللہ... ششن القدمین خمصان الاخصمین
رسول اللہ ﷺ دے پاک پیر گوشت نال بھرے ہوئے سن
تے پیر دا تھلڑا حصہ کافی گہرا سی۔

۲- اک ہو رویت وچ آپؐ دے پیر دے تھلڑے حصے دے متعلق دسیا
گیا اے۔

کان... یطابق قدمہ جمیعاً لیس لها اخصص
حضور چلدیاں ہو یاں پورا پیر زمین تے لاندے سن کوئی حصہ
ایہو جیہا نہیں سی جہڑا زمین تے نہیں سی لگدا۔



آپؐ دیاں پیراں دے تلوے ہلکے جے سی گہرے
نرمی والی چال جو چلدے پورے پیر نہ لگدے
جلدی جلدی زور دے نال او جس ویلے سی چلدے
اوسے ویلے آپؐ دے پیر زمین دے اُتے لگدے
کافی گہرے پاک نبیؐ دے پیراں دے سی تلوے
چلدیاں ہو یاں جہڑے زمین تے بالکل نہیں سی لگدے
اک روایت اے وی آئی تلوے سی ہم رتبہ
چلدے ویلے آپؐ دا سارا پیر زمین تے لگدا



سارے جگ تے حُسن دے چرچے رنگ رُوپ سہانا
 آقا ورگا جسم نُورانی نہ ہو یا نہ ہونا
 پیر سوہنے تے پیراں دیاں اڈیاں رُوپ ودھایا
 ایسا لگدا آپ نوں اپنی مرضی نال بنایا
 بھریاں ماس سی نال او اڈیاں چاندی ورگیاں چمکاں
 جتہاں اکھیاں او تکیاں تکیاں کدی ناں منظر بھلیاں

مبارک اڈیاں

(ایڑیاں)

حضرت جابر بن سمرہؓ بیان کردے نیں:
 کان رسول اللہ ﷺ منہوس العقبین
 رسول اللہ ﷺ دی اڈیاں تے گوشت گھٹ سی۔

نئیں سن کسے صندوق چوں کڈھ کے دکھائے۔ راوی کہندے
نئیں مینوں حضرت ثابتؓ نے دسیاتے اوہناں نوں حضرت انسؓ
دسیا کہ او حضورؐ دے جوڑے سن۔

۴۔ حضرت عبید بن جریجؓ فرماندے نئیں کہ میں اک دفعہ حضرت ابن
عمرؓ نوں پچھیا کی وجہ اے میں دیکھنا کہ تسی اوہ جتسی پاندے او جدھے
اُتے وال نئیں ہندے تے اوہناں نے فرمایا:

قَالَ: إِنِّي رَأَيْتُ رَسُولَ اللَّهِ ﷺ يَلْبَسُ النِّعَالَ
الَّتِي لَيْسَ فِيهَا شَعْرٌ وَيَتَوَضَّأُ فِيهَا فَأَنَا أُحِبُّ أَنْ
الْبَسَهَا

میں حضور ﷺ نوں دیکھیا آپؐ دی نعلین (جوڑیاں) تے
وال نئیں سی ہندے تے آپؐ اوہناں جی ای وضو فرماندے سن
تے میں وی اوی جوڑے پانا پسند کرنا۔

نعلین مبارک

۱۔ حضرت انسؓ بن مالک آپؐ دے جوڑیاں (نعلین) بارے دسدے
نئیں

قَالَ لَهَا قِبَالَانِ

حضور ﷺ کے نعلین مبارک چ دو تسمے لگے ہوئے سن۔

۲۔ حضرت ابن عباسؓ نعلین پاک دے بارے روایت کردے نئیں:

كَانَ لِنَعْلِ رَسُولِ اللَّهِ ﷺ قِبَالَانِ مِثْنِي شَرَا كُهُمَا
فرماندے نئیں حضور اکرم ﷺ دے نعلین مبارک نوں دو تسمے
لگے ہوئے سن جہڑے دوہرے سن۔

۳۔ حضرت عیسیٰ بن طہمانؓ فرماندے نئیں:

قَالَ: أَخْرَجَ إِلَيْنَا أَنَسُ بْنُ مَالِكٍ نَعْلَيْنِ جَرْدَاوَيْنِ
لَهُمَا قِبَالَانِ فَقَالَ: فَحَدَّثَنِي ثَابِتٌ بَعْدُ عَنْ أَنَسٍ،
أَنَّهُمَا كَانَتَا نَعْلَيِ النَّبِيِّ ﷺ

حضرت انس بن مالکؓ نے سانوں دو جوڑے جہاں تے وال

دستارِ مبارک

۱- حضرت جابرؓ روایت کر دے نہیں:

قَالَ: دَخَلَ النَّبِيُّ ﷺ مَكَّةَ يَوْمَ الْفَتْحِ وَعَلَيْهِ
عِمَامَةٌ سَوْدَاءُ

کہ جدوں حضور نبی کریم ﷺ فتح مکہ والے دن مکہ مکرمہ چ
داخل ہوئے اوس ویلے آپؐ دے سرتے کالے رنگ دی پگڑی
(عمامہ) سی۔

۲- حضرت عمرؓ دے پتر روایت کر دے نہیں:

قَالَ: كَانَ النَّبِيُّ ﷺ إِذَا اعْتَمَّ سَدَلَ عِمَامَتَهُ بَيْنَ كِتْعِيهِ
جَدُوں نبی کریم ﷺ عمامہ بٹھدے تے دوواں مونڈھیاں
دے وچ کار شملہ رکھدے سی (دستار داشملہ موڈیاں دے وچ
کار ہنداسی)

۳- حضرت جعفرؓ اپنے باپ حضرت عمرو بن حریثؓ دے حوالے نال
روایت کر دے نہیں:

عَنْ أَبِيهِ أَنَّ النَّبِيَّ ﷺ حُطِبَ النَّاسَ وَعَلَيْهِ عِمَامَةٌ سَوْدَاءُ
نبی پاک ﷺ خطبہ دے رہے سن تے اوہناں دے سرتے
کالی دستاری۔



جوڑے پاک نبیؐ سوہنے دے اُچیاں شاناں والے
ایناں جوڑیاں تے لگے سی دو سوہنے جے تسمے

اک رویت ایہہ وی دیکھی جوڑے پاک نبیؐ دے
اوہناں اُتے وال نیں سی ابن عمرؓ نے دیکھے

اُنس وناز نبیؐ سوہنے دے جوڑیاں نال ایہہ دیکھی
ابن عمرؓ نے ساری عمرے جتی اوہو جئی پائی

لباسِ مبارک

۱- سیدہ حضرت اُم سلمہؓ فرماندیاں نہیں:

قَالَتْ: كَانَ أَحَبَّ الثِّيَابِ إِلَى رَسُولِ اللَّهِ ﷺ الْقَبِيضُ
حضور صلی اللہ علیہ وسلم نون سب توں زیادہ پسند کرتی سی۔

۲- حضرت اسماء بنت یزید روایت کر دیاں نہیں۔

قَالَتْ: كَانَ كُمُّ قَمِيصِ رَسُولِ اللَّهِ ﷺ إِلَى الرُّسْخِ
حضور صلی اللہ علیہ وسلم دی برکتاں والی قمیض دی آستین کلائی تک ہندی سی۔

۳- حضرت انس بن مالکؓ فرماندے نہیں:

قَالَ: كَانَ أَحَبَّ الثِّيَابِ إِلَى رَسُولِ اللَّهِ ﷺ يَلْبَسُهُ الْحَبْرَةُ
رسول اللہ صلی اللہ علیہ وسلم دا سب توں زیادہ پسند والا کپڑا جنہوں آپؐ
پہندے سن اویمکنی نقش و نگار والیاں چادر اں سن۔

۴- حضرت سمرہ بن جندبؓ روایت کردے نہیں:

قَالَ رَسُولُ اللَّهِ ﷺ الْبَتُّ الْبَيَاضُ فَإِنَّهَا أَظْهَرُ
وَأَطْيَبُ وَكَفْنُ فِيهَا مَوْتَاكُمْ

رسول اللہ صلی اللہ علیہ وسلم نے فرمایا آپؐ وی چٹے کپڑے پہنیا کروتے
مُردیاں نوں وی ایناں کپڑیاں دا کفن پایا کرو۔ ایس لئی کہ ایہہ
کپڑے زیادہ پاک تے صاف ستھرے نہیں۔



آقا دی پگڑی دے بارے کرن صحابیؓ رویتاں
سر دے اُتے کالی پگڑی پائی ہندی سی اوہناں
جس ویلے سرکارِ مدینہ وعظ و نصیحت کردے
سرتے کالے رنگ دی پگڑی بھن کے حضور سی آندے
دوواں موہڈیاں دے وچ کار شملہ پگڑی دا ہندا
اوہناں دی پگڑی دے بارے وچ حدیثاں آیا



یمینی نقش و نگاراں والی چادر سوہنے پائی
تہہ بند اُتے پاک قمیض لگے اوہناں نوں چنگی

چٹے کپڑے پہنن بارے دسیا پاک صحابہ
مُردیاں نوں وی چٹا کفن دیو حکم اے نبی دا

جھڑے کپڑے آقا نے پائے اونے حرمت والے
دل وچ عشق محبت رکھو اوہناں کپڑیاں بارے

انگوٹھی

۱- حضرت حماد بن سلمہؒ روایت کردے نیں:

قَالَ رَايْتُ ابْنَ أَبِي رَافِعٍ يَتَخْتَمُ فِي يَمِينِهِ وَقَالَ
عَبِيدُ اللَّهِ بْنُ جَعْفَرٍ: كَانَ رَسُولُ اللَّهِ ﷺ يَتَخْتَمُ فِي
يَمِينِهِ

میں ابورافعؓ نوں سچے ہتھ چ انگوٹھی پہنے ہوئے دیکھیا تے ایس
دی وجہ پچھی اوہناں نے فرمایا میں عبداللہ بن جعفرؒ نوں سچے
ہتھ چ انگوٹھی پائے ہو یاں دیکھیا تے حضرت عبداللہ بن جعفرؒ
نے دسیا نبی پاک ﷺ اپنے سچے ہاتھ چ انگوٹھی ڈال دے سی۔

۲- حضرت انس بن مالکؒ روایت کردے نیں:

قَالَ: كَانَ خَاتَمُ النَّبِيِّ ﷺ مِنْ وَرَقٍ، وَكَانَ فُصُّهُ حَبْشِيًّا
حضور خاتم النبیینؐ دی انگوٹھی چاندی دی سی جدھے وچ حبش دا گنبد سی۔

۳- حضرت ابن عمرؓ فرما دے نیں:

أَنَّ النَّبِيَّ ﷺ اخْتَذَ خَاتَمًا مِنْ فِضَّةٍ، فَكَانَ يَخْتَمُ بِهِ وَلَا يَلْسُهُ

بے شک نبی پاک ﷺ نے چاندی دی اک انگوٹھی بنوائی۔
 آپؐ اوہدے نال مہر لگاندے سن تے پھندے وی سن۔
 ۴۔ حضرت انسؓ فرماندے نیں:

قَالَ: كَانَ نَقْشُ خَاتَمِ رَسُولِ اللَّهِ ﷺ: مُحَمَّدٌ سَطْرٌ:
 وَرَسُولٌ سَطْرٌ وَاللَّهُ سَطْرٌ۔
 نبی اکرم ﷺ دی انگوٹھی دا نقش ایہہ سی۔ ایک سطر محمد ﷺ
 اک سطر رسولؐ تے اک سطر اللہ۔



چاندی نال بنی انگوٹھی حبشی وچ نگینہ
 سچے ہتھ دی اُنگل دے وچ پاندے شاہِ مدینہ
 کندہ ایس انگوٹھی اُتے مہر نبیؐ اطہر دی
 میرے پاک نبیؐ داناں ایس تے لکھیا ہو یا سی
 جس ویلے سرکارِ مدینہ خط کسے نوں لکھدے
 مہر نبوت والی آقاؐ خط اُتے سی لاندے

رسول اللہ ﷺ دے دوویں مبارک کندھیاں دے درمیان
مہر نبوت سی۔ جہڑی کبوتر دے انڈے دی مقدار دے برابر
اُبھریا ہو یا سرخ گوشت دا ٹکڑا سی۔

مہر نبوت

۱- حضرت علیا حضرت ابوزیدؓ عمرو بن الخطاب دے حوالے نال دسدے
نیں کہ اک دفعہ حضور ﷺ نے اوہناں نوں اپنی پیاری تے مبارک
پشت تے مالش کرن دی دونوں جہاناں دی بھلائی بخشی تے اوہناں
(حضرت ابوزیدؓ) نے ویکھیا کہ

شعر مجتمع علی کتفه

آپ دے مبارک کندھیاں دے درمیان کج والاں دا خزانہ سی۔

۲- سیدنا حضرت جابرؓ فرماندے نیں پئی:

فالتقمت خاتم النبوة بغی، فكان ينم علي مسكا

میں جدوں اپنا مونہہ مہر نبوت دے کول کیتا تے اوہدی دل نوں
موہ لین والی مہک میرے اُتے ورائی۔

۳- حضرت جابر بن سمرہؓ روایت کردے نیں:

كان خاتم رسول يعنى الذی بین كتفيه غدة

حمراء مثل بيضة الحمامة



کھے مونڈھے دی ہڈی دے کول سی مہر نورانی
 ایہو مہر میرے نبی دی بن گئی پیاری نشانی
 ایہہ تصدیق حکم خدا دی مہر نبوت عالی
 دوواں مونڈھیاں وچ کار رہی اے کرماں والی
 جنہاں دیکھی مہر نبی دی اوسی کرماں والے
 خوشبو ایسی مہر چوں آوے سنگھن والے دسدے

مآخذ

- ۱- ابن اسحاق، محمد بن اسحاق بن یسار (۸۵-۱۵۱ھ سیرت النبیؐ)۔
- ۲- ابن سعد، ابو عبد اللہ محمد (۱۶۸-۲۳۰ھ/ ۷۸۲-۸۴۵ھ طبقات ابن سعد)۔
- ۳- سورة ترمذی محمد بن عیسیٰ (۲۱۰-۲۷۷ھ، جری/ شرح شمائل ترمذی (۸۲۵-۸۹۲ھ))
- ۴- قاضی عیاض، ابو الفضل عیاض بن موسیٰ بن عیاض ۳۷۶-۵۴۴ھ (۱۰۸۳-۱۱۴۹ھ) کتاب الشفاء
- ۵- ابن جوزی، ابو الفرج عبد الرحمن بن علی ۵۱۰-۵۷۹ھ، جری (۱۱۱۶-۱۲۰۱ھ) الوفا باحوال المصطفیٰؐ
- ۶- ابن قیم، محمد بن عبد اللہ (۶۹۱-۷۵۱ھ زاد المعاد)
- ۷- سیوطی، جلال الدین ابو الفضل عبد الرحمن بن ابی بکر محمد بن ابی بکر بن عثمان (۸۴۹-۹۱۱ھ/ ۱۴۴۵-۱۵۰۵ھ) الخصائص الکبریٰ